



**Claudii Fleurii Abbatis Historia Ecclesiastica**

Ab anno Christi 1611. usque ad annum 1617

**Fleury, Claude**

**August. Vind. [u.a.], 1777**

**VD18 90118898**

§. 72. Sancti Alberti Leodinensis Episcopi translatio.

---

[urn:nbn:de:hbz:466:1-67313](#)

Sæc. XVII. Germanum ibi constituatur, faciat. V.  
A.C. 1612. Omnia ista, Venetis captivos dimittentibus  
 & obsidionem solventibus, in effectum pro-  
 ducantur. VI. Navigationes & commer-  
 cia in pristinum statum restituantur. VII.  
 Amicitia & familiaritas sincere colatur.  
 VIII. Quod ad navigationis libertatem &  
 immunitatem attinet, ejus tractatio ad tem-  
 pus aliud differatur.

## §. LXXII.

*S. Alberti Leodiensis Episcopi  
translatio.*

*Bald. chron.* Jam ab anno Domini millesimo cente-  
*Moral.* simo nonagesimo secundo, quo San-  
*pag. 1010.* ctus Albertus Leodiensis Episcopus pro  
 defensione libertatis Ecclesiasticæ glo-  
 riosum subiit triumphum, hujus Mar-  
 tyris Corpus Rhemis sine singulari ho-  
 nore sepultum quiescebat, illud vero  
 Melchior Briocensis Episcopus hoc anno  
 solemni pompa elevatum Bruxellas  
 transtulit, Albertus vero Austriae Ar-  
 chidux & Belgii Princeps sacrum hoc  
 pignus pro sua in Cælites pietate in Re-  
 gio Carmelitarum Virginum cænobio,  
 quod non ita pridem a fundamentis ex-  
 struendum, dotandumque curabat, die  
 decima tertia Decembris honorifice col-  
 locari jussit. Anno autem proxime se-  
 quenti Paulus V. Pontifex Maximus be-  
 nigne

nigne indulxit, ut Bruxellenses, & Rhe- Sæc. XVII.  
 menses Ecclesiastici de hoc Sancto tan- A. C. 1612.  
 quam Pontifice ac Martyre die vigesi-  
 ma prima Novembris Officium quotan-  
 nis recitarent, dato hanc in rem, die  
 decima nona Augusti, diplomate Apo-  
 stolico.

## §. LXXIII.

*Concilium Diæcesanum Colonense.*

**C**onstat equidem, quod Elias Baby- *Lenglet.*  
*lioniæ Patriarcha Synodus in Me-* *Tabl. Chron.*  
*sopotamia eo fine celebrarit, ut ibidem* *de l'hist. Uni-*  
*fidei Catholicæ Professio a Paulo V. ex-* *vers. l'Esprit*  
*planata acceptaretur, incertum tamen* *Chron. 1672.*  
*a Paris.*  
 est, quo anno hæc Synodus fuerit ce-  
 lebrata, cum Lengletus ad hunc, alias  
 tamen recentior illam ad annum Do-  
 mini millesimum sexcentesimum deci-  
 mum sextum rejiciat. Extra omne au-  
 tem dubium est, quod Ferdinandus Ba-  
 variæ Dux atque Archiepiscopus Colo-  
 niensis, qui Ernesto nuper defuncto suc-  
 cesserat, die decima tertia Martii Diæ-  
 cesanam celebrarit Synodus, in qua  
 innovatis plerisque Prædecessoris sui  
 Statutis circa Clericorum mores decerni-  
 tur, ut omnes Clerici nondum Sacer-  
 dotes, quoties in solemnioribus festis  
 Sacram Synaxin recipiunt, etiam cor-  
 onam sibi renovari, & Comam ton-

K 4 deri